

欽定剿平粵匪方略

欽定勦平粵匪方略卷一百七十五 丁巳年

閏五月初一日 辛巳 胡林翼奏言皖賊分竄黃梅

經江甯將軍都興阿勦敗自是賊營移平就險  
移小併大意在堅守伺隙五月初五日後賊於  
大河鋪迤北依山增壘三座十二日賊全數擁  
出攻撲孔廣順等營並攻黃梅縣城都興阿在  
陸家嘴聞信卽派多隆阿調齊馬步隊分赴援

應時賊正攻撲孔廣順各營我軍堅壁不動賊  
近以礮轟之多隆阿分兩路進攻賊於要路排  
槍抗拒鏖戰多時賊又四面撲出參領西林布  
杜嘎爾等由迪西山坡衝入賊衆披靡我軍追  
二三里而返計殪賊二百餘名兵勇亦閒有傷  
亡其六安霍山之賊自我軍克復英山後日思  
上竄安徽藩司李孟羣以援皖之師駐紮羅田

境上蘄州張家塆之賊則知府邢高魁統興國防兵並由省調往之義寶虎三營合九江調援之仁營駐於劉家河以超平二營合署蘄州知州彭應鯉並羅田團勇駐分路街互相策應五月初四日李孟羣派知府朱啟仁等合彭應鯉擊張家塆之賊於分路街勝之初十日賊撲獅子口彭應鯉朱啟仁分三路進並會馬隊由劉

公河夾擊又勝之賊退踞望天畷青石嶺等處  
初七八等日賊大出擄掠張得勝會合團勇在  
黃牛沖擊敗後復渡河分勦敗退之賊沿途爲  
英羅團勇所截張得勝奮追斃賊無算初八日  
晚駐於英山界初九日張得勝等仍率團勇堦  
勦該逆列隊山頭相持四時之久守備陳炳南  
策馬斬大旗賊一名衆軍齊進賊大潰東竄太

湖共計斃賊千餘名擒斬百數十名初十日張  
家塆之賊犯分路街參將趙鴻舉策馬渡橋都  
司盧又熊等分左右齊進彭應鯉率斬羅之勇  
衝擊追至胡家涼亭斃賊無算十四日探知黃  
梅大股之賊欲撲獅子口我軍兩路迎擊斃賊  
五百餘名殺僞檢點七名僞指揮十名賊衆敗  
潰追斬六千餘級超平二營乘勝攻入盧又熊

繼進破賊三卡賊忽分股來抄都司段清平揮  
刀直前適我軍馬隊繼至賊仍回望天畷堅守  
不出臣查楚皖兩省之交東則太湖宿松北則  
英山霍山六安山路紛歧防不勝防賊之分路  
四至竇欲牽掣我軍使我軍不能兼顧彼乃乘  
隙而入直窺武漢臣於北岸厚集兵力而尤慮  
毗連江西之崇陽通城興國大冶乘我空虛狼

奔豕突現在副都統巴揚阿舒保馬隊先後齊  
抵蘄州臣更調道員唐訓方一軍合力攻剿並  
可遙扼輿冶似於防備更爲周密黃梅大河鋪  
雙城驛一帶賊營蜿蜒二三十里張家塆之賊  
又退居雙城驛另抽大股橫竄黃梅廣濟賊情  
狡譎已飛飭各軍分路進剿務期肅清邊界使  
李孟羣援皖之師無虞梗阻而李續賓之軍得



專意下游力圖潯郡奏入報

聞

同日江西巡撫耆齡奏言查信豐縣城池於咸豐六年八月間被粵匪圍攻該署知縣吳秉衡晝夜保守賊匪屢開地道轟塌城牆均經吳秉衡搶護並派兵出擊大敗賊衆被圍二百二十一日先後斃賊四千餘人實屬辛苦備嘗始終

不懈可否先懇

恩施以爲守土者勸奏入

上諭內閣曰署信豐縣知縣吳秉衡於上年八月間被匪圍攻縣城該員督率紳民嬰城固守至二百數十日之多屢經危險得以保全自應優加獎勵著以同知直隸州知州儘先補用並賞戴花翎

耆齡又奏言三月二十三日吉安府城出賊千

餘於奎聚門外山上復圖築壘派吉字營進剿長字等營亦出隊助之轟斃多賊餘俱逃竄入城聞該逆修造飛划小船偷渡水東由吉水擄掠民船運糧來郡副將周鳳山等會商水師沿河進剿陸師攻城並分護戰船二十七日周鳳山等進攻郡城西北並抄出東門河邊以爲水軍接應趙煥聯等列陣長安嶺文翼派戰船駛

出河口北門出悍賊千餘官軍迎擊殺賊二十餘名賊退踞濠邊礮子如雨官軍由塔邊抄至城根賊竄往城西趙福元等率勇截擊賊乃敗退水師徑趨白鷺洲順流而下賊船揚帆上駛水師以大礮環轟傷斃無算餘匪棄船登岸而逃當燒燬賊船四十餘隻時吉水賊匪來援亦爲蕭開印擊敗郡城南門出賊數百經陳光孚

擊退上竄萬安之賊分踞三官洞等處與秦邑  
祇隔一河當以秦邑爲我軍籌餉要地卽派楊  
光福等帶勇往勦賊見我軍分往遂於西南兩  
門出賊二股抄我軍營盤之後官軍分路迎戰  
和字鳳字等營亦奮勇夾擊殺賊數十人賊遂  
大敗四月初一日東門出賊千餘齊施槍礮水  
軍亦排礮齊轟斃賊甚衆賊敗入城是日陸路

各營分攻城壘該逆負固不出惟以火器對施  
斃匪數十名初五日永豐復來賊援三千餘人  
與吉水賊黨往來水東擄掠糧食郡城之賊每  
用飛划偷渡水東以通援賊聲氣並聞永豐之  
賊在吉水置造礮船擄船裝載鹽米火藥希圖  
接濟郡城初九日周鳳山督率各弁並吉水練  
勇由陸路前進復令黃冕帶阜田各軍分駐嶺

日嚴防峽江賊匪一面分兵接應文翼派陶茂  
林陸勇與蕭開印戰船吉水縣縣丞楊逢新均  
由水陸前進郡城之賊見我軍分兵下勦遂於  
城壘傾巢而出分路撲營我軍嚴陣以待奮力  
迎擊傷斃多賊該逆大敗回奔是日周鳳山等  
渡河攻吉水縣城東北吉字等營攻縣城西南  
周鳳山復令李光佐帶隊協助戰船率李金暘

等分攻小東門大東門行至距城里許有賊千餘來拒東南河邊亦有一股約千餘人我軍四面齊攻殺賊二百餘人河邊之賊經弁勇登岸擊敗殺斃百餘名燒燬賊船十餘號餘匪潰散城內之賊亦開東北門逃往永豐一帶水陸逐北二十餘里隨將吉水縣城收復聞龍泉縣逆燄愈張周鳳山派營接應自率弁勇馳往泰和



視大股賊匪所在迎頭兜剿以期直抵龍泉是  
月十八日代理永豐縣章澂等帶勇進攻縣城  
行至距城五里之費嶺地方賊匪蜂擁迎拒我  
軍奮力衝陣斃賊二百有餘該逆敗退章澂直  
逼城下城上矢石雨集章澂等指揮各勇冒險  
薄城各持黨牌自南門緣梯而上殺守垛賊數  
十人該逆遂開東門向樂安逃竄卽日收復城

池布置守禦現飭各該營激勵士卒加意嚴防  
合力扼勦設法斷賊接濟並令吉水永豐二縣  
趕辦團練協同官兵嚴禦一俟龍泉萬安股匪  
撲滅併力圍攻吉郡速下堅城

耆齡又奏言瑞州一軍吳坤修督勇分路並進  
超越濠溝行至距城半里東門突出二千餘人  
擁擁來衝我軍禦以槍礮斃賊不計其數砍斃

悍賊多人該逆退保東南城隅復被遊擊劉國斌率戰船排礮橫擊斃賊數百時各營衝至城下正欲梯城忽小東門出賊二千繞至北門與奇兵營對擊吳坤修等帶隊追擊賊敗入城統計斃賊不下千人劉騰鶴巡視長濠高明門出賊五六百撲至濠邊劉騰鶴開礮斃賊乘勝過濠追逐適新字營馳至助擊朝陽門又出賊二

三千捲旗疾趨冀襲我後劉騰鴻督黃澤遠等  
各率湘勇分路進攻南城普承堯派勇助戰自  
與李續宜攻打北城牽制賊勢各路苦戰逾時  
斃賊極多朱祖貴由金洞門入擊退旁巷伏匪  
黃澤遠攻剽城外劉連捷攻擊城上大股賊火  
器齊發乘煙來撲劉連捷劉騰鴻均受槍礮子  
傷仍奮勇追殺直至橋邊收隊其臨江之賊四

月十四日道員王鑫劉長佑等督軍分攻各門  
賊伏匿城內開礮拒敵我軍奮勇薄城斃賊最  
多盡拔濠邊竹籤正欲梯城該逆拋下整桶火  
藥各營傷亡甚多四月十六日肅啟江等復率  
水陸各軍攻擊賊衆堅匿不出當將該匪所搭  
浮橋砍斷奪獲賊船九號二十六日東門忽出  
大股來犯平江右營出隊迎擊李進發隨後接

聞

應各軍齊往夾攻賊匪敗竄我軍追殺數十餘  
名次日大股賊匪從南門出王鑫劉長佑兩軍  
奮力擊敗乘勝拆毀賊牆殺賊甚多現在臨瑞  
二郡賊勢已蹙臣飭各營相機截擊以期聚而  
殲旂奏入均報

耆齡又奏言查劉于瀆統領江軍水師及各起

陸勇駐紮樟樹鎮兼顧豐城縣當吉臨數郡之衝實省河上游屏蔽該道屢戰有功爲賊所畏現會同劉長佑等軍合圍臨江郡城勦辦正值喫緊驟難更易生手仰懇

天恩准將新授甘肅安肅道劉于瀄留江統帶兵勇以資攻勦俟軍務事竣再行給咨赴任奏入得

旨允行

初三日

癸未

署兩江總督何桂清奏言金陵爲賊

老巢盤踞數年根深蒂固非先斷長江接濟而  
從鎮江句容太平三路進兵斷難制其死命現  
在賊之精銳聚於句容城小而堅最不易拔惟  
溧水克復大局更有轉機鎮江賊勢亦頗衰微  
臣親赴京峴山察知城中祇首逆吳如疇堅守  
其被脅逃出者接踵今溧水之捷賊膽益寒宜



併力以圖句容句容既復再圖鎮江鎮城一破  
瓜州賊難久踞其不急攻金陵者以上下游皆  
爲賊守我攻其東則上游之賊應之我攻其西  
則下游之賊應之故雖得鎮江不得太平而金  
陵猶不能破也蕪湖又爲太平之上游長江之  
鎖鑰我與賊所必爭當甯國克復其不能徑取  
蕪湖者以溧水未復後路可虞恐賊由定埠梅

渚等處一走東壩一犯建平耳今幸溧水已平  
擬分兵紮博望鎮東壩之兵進紮固城鎮宣城  
之兵進紮老鴉山固城博望俱可直取太平關  
太平城內守賊無多取之甚易至老鴉山一路  
尤爲內保宣城外取蕪湖扼要之地亦可會同  
吳全美等水師肅清江面斷賊往來傳聞石達  
開由銅井渡江逃往江北洪逆令蒙賊禾賊追

之禾賊亦乘勢逃去足見該逆自相殘害衆叛  
親離駢首受誅自不在遠臣惟有竭力運籌接  
濟軍餉俾得馬騰士飽早奏膚公奏入

上命軍機大臣傳諭和春張國樑曰據何桂清奏通籌  
近日攻勦情形所奏不爲無見逆匪旣生內訌機會  
更不可失鎮江賊勢甚微或先取鎮江後圖句容亦  
得攻瑕之意而上游太平蕪湖一帶必須分兵斷其

援應方能兩路夾攻直搗金陵著和春等將所奏各情妥籌辦理前據福濟奏提督秦定三由臨淮帶兵起程沿途截留銀米任意浮支並著查覈銀數所有浮支銀米卽於該營兵餉內坐扣秦定三如果年力就衰不能約束兵勇卽行據實叅奏

上又命軍機大臣傳諭德興阿翁同書福濟曰據何桂清奏傳聞五月十一日逆首石達開由銅井渡江逃

往江北等語石達開係著名劇賊此時不踞金陵逃  
往江北足見羣賊內訌衆叛親離惟石逆素稱驍悍  
兼多詭詐此時逃往江北必係不附洪逆意欲自成  
一隊現在江浦未復霍六桐城安慶太平一帶徧地  
賊蹤儘該逆裏脅賊黨乘閒北竄不可不防著德興  
阿翁同書福濟偵探石達開逃往何處卽以重兵扼  
勦杜其北竄之路或設法離開設計誘擒使逆渠授

首餘賊聞風畏懼不難以次掃蕩

初四日甲申和春奏言溧水爲江浙門戶金陵逆

匪恃爲犄角雖官兵屢勦獲勝而該逆拒守益堅前經傅振邦等挑挖長濠斷其接濟並經臣

授以機宜先破城外賊壘去其羽翼庶襲取方有把握五月十四日探得援賊萬餘竄至鄔山築壘當同總兵李志和等督率馬步隊分攻賊

營並先令兵勇節節設伏辰刻逆匪三四千人  
分布山梁我軍迎殺槍斃甚眾虎坤元馬隊旁  
抄賊眾驚亂兵勇跟追殲斃尤多忽尖山又出  
賊千餘人橫衝而來經周天培等伏兵痛勦其  
勢大潰我軍直逼濠牆盡數砍殺遂將逆營八  
座先後奪毀十七日大股援賊在博望築壘多  
座並於附近村鄉一帶焚掠當派兵勇銜枚進

勦行至楊村見有賊壘四座我軍奮勇圍攻逆  
匪於營內施放槍礮該總兵等揮兵越過重壕  
各兵繼進合力痛勦約斃賊三千餘名生擒七  
十餘名奪獲賊壘二十五座砍取首級一千一  
百餘顆十九二十等日帶領官兵直逼城下晝  
夜圍攻並探得該逆被圍緊急有貪夜潛逃之  
信隨派米興朝等分路進攻逆匪以槍礮抵拒



我軍連拋火罐西南門外賊營火起逆匪自相  
驚亂卽將賊營數座同時次第奪獲傅振邦等  
隨令各軍併力擊攻時城上之賊往來奔救槍  
礮略少虎坤元等在南門豎立雲梯奮勇先登  
兵勇一鼓而上虎坤元等立殺數賊餘逆驚潰  
米興朝等旋由西北二門同時上城盡力擊剿  
追至城下該逆意圖潛遁強悍賊匪猶復拌死

巷戰兵勇分途追殺隨令將西門打開大隊繼  
入城內逆匪自相踐踏屍橫街巷餘賊由東北  
門衝突逃出經守濠弁兵開槍轟擊死傷極多  
遂將縣城克復共約斃賊六千餘名砍獲首級  
八百餘顆搜獲槍礮刀矛火藥旗幟不計其數  
生擒五百餘名查賊踞溧水縣城防守極嚴攻  
取匪易經傅振邦等督兵擊勦得以乘勝克復

實足大快人心仍飭酌留官兵防守城垣紮營  
要隘並調赴句容助剿奏入

上諭內閣曰逆匪竄踞溧水經傅振邦等督率兵勇奮  
力剿擊先後斃賊不下二萬有奇克復堅城殲除羣  
醜洵足以寒賊膽而快人心傅振邦等盡心籌畫剿  
辦有方實屬謀勇兼優著和春等查明在事出力人  
員一併保奏候朕施恩

和春又奏言查秦定三於五月初九日帶同黃州兵吉林馬隊共九百名行抵句容已令紮營前敵助勦至句容軍營前已派兵八百餘名馳赴廬州今秦定三帶兵九百名前來應毋庸添派兵勇赴廬至遊擊聶桂榮逗留皖境延不渡江臣細加訪察該遊擊桀驁不馴性情乖謬且多狡滑應請

旨卽行革職以示儆戒奏入

上諭內閣曰候補遊擊聶桂榮以帶兵之員輒敢延不  
赴營實屬膽大妄爲著卽革職交福濟親提嚴訊並  
查明浮支款項如有該員侵吞勒令交出以示懲儆  
和春又奏言臣派王浚等攜帶攻城器具攻打  
句容西北門兼攻賊營德崇額等帶隊扼要紮  
駐張國樑往來策應臣居中調度明安泰等攻

打南門各兵不動聲色潛伏而進直偏城濠正  
擬拔梯而過城上槍礮如雨我軍仰攻多時賊  
匪千餘人盡擁出撲官軍極力痛勦李嘉萬等  
立刺騎馬悍賊二名殲斃餘賊多名逆勢不支  
其西門接應之賊復經我軍合擊張國樑連開  
擡礮臣親督馬步隊繞至賊後兩面夾攻賊衆  
驚潰兵勇追殺過濠斃賊無算該逆乃奔敗入

巢共約斃賊四五百名其鎮江之賊巴棟阿等  
帶兵進攻南門水關觀音山賊營賊衆二三千  
人分路來撲我軍迎勦王夢熊衝入賊隊吳世  
斌帶兵由山後抄出兩面夾擊刺斃悍賊五名  
逆衆潰逃約斃賊三百餘名其高淳賊船數十  
隻竄至塘溝副將朱承先等往勦逆匪叢擁來  
撲我兵槍礮連環對擊多時斃賊數十名後路

賊船復登岸分途抄至守備吳春霖等左右迎  
擊賊卽潰敗兵勇追殺無數焚燬賊船十七隻  
江面攔江磯時有賊匪窺伺吳全美督同遊擊  
李起高等往勦大小賊船一二百隻分布迎抵  
當令兵勇轟擊立沈多隻我軍乘勝攻勦生擒  
逆匪一百餘名奪獲礮船快划五十餘隻三月  
二十四日據探馬家窩江面賊箠堆積柴薪俟



西南風引火駛出吳全美隨帶各船先爲勦除

該逆果數百人齊出擁護我軍火彈頻拋登時

火起延燒淨盡餘賊鼻水而逃約斃賊六百餘

名無爲州又來賊五千餘人礮船七十餘隻水

陸兩路徑撲神塘河墟各船開礮迎擊水勇登

陸截勦我軍擊毀賊船二十隻斃賊九百餘名

奪獲軍械二百餘件該匪又出一二千人來援

官軍登岸迎勦逆眾捽死抵拒勢甚兇悍我軍陣斬黃衣騎馬賊目五名其勢漸卻追至石橋迤北卽將賊踞房屋燒燬追殺十餘里約斃賊七百餘名砍取首級九十顆五月初一日賊船火多隻橫江而下兩岸賊伏葦中吳全美揮令各船開礮環擊連沈數船繼以噴筒火箭絡繹施放蘆葦悉燃逆匪死傷大半初七日探得

胭脂峽江口尙有賊箠屯踞並於荻港偷築營  
壘當飭遊擊李起高等帶領各船攻其不備該  
逆先於營內頻施槍礮守箠之賊恃衆迎拒我  
軍連拋火罐火光四射賊船賊箠數十隻焚燬  
一空兵勇一鼓作氣圍住賊營逆匪驚亂知縣  
陳嗣學帶兵搶進盡數砍殺卽將賊營十四座  
先後奪毀約斃賊一千五六百名砍取首級二

百三十一顆奪獲擡礮鳥槍多件臣仍分飭各員弁迅圖克復速清江面奏入報

聞

初五日乙酉曾國藩奏言臣疊奉

溫諭仰見我

皇上俯鑒臣子之隱曲示矜憐不棄駕下之才曲加器使凡屬旁觀猶爲感泣矧在身受能無奮興惟

臣之下情有不敢不瀝陳於

聖主之前者 臣通籍時祖父母父母皆無恙在京十四  
年在軍五年堂上四人先後見背生前未伸一  
日之養歿後又不克守三年之制寸心愧負實  
爲難安前代及我

朝奪情之舉被人彈劾者層見疊出而兩次奪情  
則從古所無 臣到籍以來輾轉思維欲終制則

無以報吾

君高厚生成之德欲奪情則無以報吾親恩勤鞠育之  
懷欲再出從軍則無以謝後世之清議欲不出  
則無以謝患難相從之軍士進退狼狽不知所  
裁查近日軍務我

皇上潛移默運實已挽回十分之七八以大局言之河  
北蕩平洪楊內亂武漢肅清水師精勁迴非咸

豐二三年氣象可比以江西言之西路克復十  
餘州縣潯瑞吉臨皆駐重兵亦迥非上年春夏  
情形可比自臣出營而後又聞瑞州長濠日固  
臨江四面合圍吉安賊船焚燒一空東路貴溪  
屢獲大捷江西軍事漸有起色將軍巡撫兩臣  
辦理裕如添臣一人未必有益少臣一人不見  
其損臣假期將滿葬事未畢合無籲懇

天恩援照上年賈楨終制之例准臣在籍終制感激  
鴻慈永無既極奏入

上諭內閣曰曾國藩在江西軍營聞訃丁父憂前經降  
旨賞假三個月回籍治喪俟假滿時再赴江西督辦  
軍務以示體恤茲據該侍郎奏稱假期將滿葬事未  
畢籲准在籍終制曾國藩本以母憂守制在籍奉諭  
幫辦團練當賊氛肆虐皖鄂卽能統帶湖南船勇墨



經從戎數載以來戰功懋著忠誠耿耿朝野皆知伊  
父曾麟書因聞水師偶挫又令伊子曾國華帶勇遠  
來援應尤屬一門忠義朕心實深嘉尙今該侍郎以  
假期將滿陳請終制覽其情詞懇切原屬人子不得  
已之苦心惟現在江西軍務未竣該侍郎所帶楚軍  
素聽指揮當茲勦賊喫緊亟應假滿回營力圖報效  
曾國藩身膺督兵重任更非賈植可比著仍遵前旨

假滿後卽赴江西督辦軍務並署理兵部侍郎以資  
統率俟九江克復江面肅清朕必賞假令其回籍營  
葬俾得忠孝兩全毫無餘憾該侍郎殫心事主卽以  
善承伊父教忠報國之誠當爲天下後世所共諒也

初七日

丁亥

官文胡林翼奏言查李續賓於九江

城外開濬長濠自官牌峽迤南而東至白水湖  
尾計長三十餘里踰山脊四重留東門大路爲

誘戰追襲之地濠深二丈寬三丈五尺復慮及  
上游陸家嘴轉運賊可越琵琶亭而截我糧路  
其東達梅家洲湖口縣姑塘等處亂山層疊路  
曲峯迴尤易伏賊乃於要隘安置大礮並多發  
偵探晝夜梭巡二月初九日掘濠及東面城賊  
忽出四千餘人西面之新壩亦出賊二千餘李  
續賓禁諸營勿出隊自率馬步繞出八里坡後

岡又設伏於馬宿嶺約以坡後礮聲悉力奮擊  
計踰兩時賊漸偏近各軍聞礮聲齊出斬三百  
餘級又追殺七百餘名其西面之賊亦經水陸  
各軍轟斃五百餘名初十日賊復出三四千於  
八里坡西壩亦出賊二三千另伏賊於坡後茶  
菴李續賓令南路西路諸營出戰令東路勿遽  
出自率馬步繞譚家畝楊樹嘴等處先敗其伏

仍飭蹲伏以待南路之賊初不知其伏之已敗也且戰且走甫至坡後伏勇突起東路營亦同時撲出賊大敗狂竄回城西路之賊亦敗四路共斃賊千餘名我軍陣亡藍翎千總毛丁山藍翎把總盧久盛外委陳德林三員十五日探知安慶來援賊七八千人城賊大出約二萬人我軍首尾迎擊馬隊從中衝出殪其前鋒二十餘

名賊不少卻水師從甘棠湖直繞城下轟東路之賊官牌峽諸營於湖坪夾擊之西路之賊遂敗復沿湖助擊東南諸營乘勢衝突賊首尾不能顧悉衆狂竄諸營尾追及城下礮子如雨其由城南縋入者我兵以連環槍轟之水師復以大礮攔擊無得脫者共斃賊五千餘名傷者無數我軍陣亡藍翎守備陳得華藍翎把總陳文

勝外委陳光玉蕭有貴四員自是三月之久賊  
伏不出而南岸長濠且告竣矣四月初間皖賊  
數萬人號稱十萬分犯蘄州羅田黃梅邊界江  
甯將軍都興阿移師分剿李續賓亦卽分兵渡  
江駐陸家嘴又分軍上援蘄州於是城賊乃逐  
日出抗憑濠施放槍礮我軍禦之互有傷亡李  
續賓因勻各營憑濠分守而自移湘右營駐賽

旗嶺並增募勇丁一千人駐嶺之左右聯絡諸營以扼其要其渡江援守之仁營亦增募四百人以厚其力五月初十日賊衆大出以悍者踰濠來撲我營李續賓令諸軍勿遽出戰俟賊過濠及半以新習之馬隊衝之賊又大敗奪路反奔擒斬甚衆是日首逆林啟榮親出督陣我軍斃其僞檢點指揮各一名蓋賊以分軍渡江竟



敢乘虛來犯也總兵楊載福以皖賊分竄楚邊  
黃州各屬皆濱江州縣因抽分水師礮船由九  
江上至蘄州擇要停泊並飭副將李成謀等移  
紮官牌峽港內與副將朱品隆水陸相依五月  
初二日楊載福自至蘄州是日官牌峽水師見  
賊船數十號上駛李成謀等卽時出隊賊分兩  
路敗竄李成謀從新河追之易景照從老河追

之會於湖口而湖口賊船三百餘號由梅家洲  
兩岸抄出又另股從扁擔峽包我軍船之後其  
時西南風大起李成謀以長籠船抵扁擔峽之  
賊自以三板乘風縱擊賊敗入湖口李成謀不  
知深入賊巢距本營已百餘里及回至扁擔峽  
而湖口賊船復出尾追扁擔峽賊船又沿南岸  
繞出我前李成謀溯流上至小池口城賊復槍

敵齊發我軍逆風逆水舟行不速被賊燬沈長  
龍五號三板十三號追上游來援事已無及初  
三日楊載福聞信回營親督水師巡江賊揚帆  
直拒李成謀衝入奪回三板四隻擊沈賊船無  
數臣查九江城賊蟄伏不出我軍肉薄攻堅終  
難得手必須長圍坐困乃可永斷接濟惟李續  
賓原統不過萬人尙闕其東北一路未能合圍

近以北岸邊界警報日至又分去四千人渡江  
協剿必俟北岸肅清乃可專意潯陽此次李成  
謀孤軍深入致有挫失尙於全軍無損楊載福  
先期上巡蘄州相離太遠可否邀免處分出自  
逾格

天恩陣亡之守備陳得華等應請從優議卹奏入

上諭內閣曰官軍偪攻九江賊匪經李續賓掘濠設伏

疊獲勝仗水師以深入致挫旋復獲勝總兵楊載福副將李成謀均著免其議處所有陣亡之守備陳得華等著交部從優議卹

官文胡林翼又奏言北岸之賊目爲陳玉城李壽城勾結皖捻飢民號稱十萬自四月以來由宿松太湖英山霍山分犯蘄州黃梅廣濟羅田邊界實亦不下六七萬人其黃梅一路經將軍

都興阿等疊次勦辦連破賊壘七處殺賊三千餘人而依險結寨之賊營尚多仰攻不易我軍精銳微有傷亡都興阿以一軍當小池口濯港大河鋪三路之衝日夜援應亦極疲勞其廣濟一路副都統銜巴揚阿率四營往禦賊已退併蘄州之望天畷合爲一股其蘄州之張家塆青石嶺望天畷等處之賊經知府邢高魁等勦辦

獲勝舒保率馬隊百騎馳往督隊又大勝之其  
羅田一路賊已擊退我軍進紮英山霍山頃據  
下游探報易賊石達開領股匪數萬人從安慶  
彭澤分道上犯揚言分擾湖北並援江西我軍  
備多力分自應併軍會勦迅遏兇鋒奏入報

聞

欽定勦平粵匪方略卷一百七十六 丁巳年

閏五月十二日

壬辰

李孟羣奏言 臣於克復英山

後因聞六霍復有大股賊匪續至專力籌勦其  
張家塆之賊則分令知府朱啟仁等會勦而臣  
暫駐羅田兼督之五月初四日探得有賊二萬  
人自霍邱退竄六霍分三起來頭起約五六千  
人由流波礮已到英山之金家鋪欲竄楚境臣



卽派遊擊張得勝等會督英羅團勇由夫子嶺  
截勦初七日與賊遇於金家鋪該逆分隊過河  
拒敵張得勝等亦分軍爲二乘其半渡擊之殺  
賊百餘名卽督兵過河該逆抵死不退我軍乘  
勝轟擊守備陳炳南首先入陣突斬賊目一人  
奪獲大旗官軍鼓勇齊進鏖戰四時之久殺賊  
千名該逆遂由英山東路竄走官軍追殺斃賊

不計其數初十日該逆復勾結太湖之賊回竄  
屢磨阪地方經知縣葉傳樾率同團紳分途截  
勦將賊擊退殺賊百餘名時二起之賊亦竄至  
金家鋪臣卽飭張得勝等同軍迎擊並調知縣  
袁懷忠等兩營折回助勦接應張得勝等由中  
路進攻英羅團勇於各山隘分投下擊張得勝  
身先入陣手刃騎馬僞軍師七名袁懷忠分爲

雨隊一迎頭擊殺一從後包抄並經唐瑞廷等  
趕到圍攻賊乃敗退追殺十餘里生擒賊匪一  
百三十四名割獲首級二百餘顆奪獲黃旗羸  
馬刀矛器械無數英羅團勇分路搜殺又斃賊  
七百餘名餘匪翻山竄往太湖賊之旗幟衣物  
盡爲團勇所得洵足以懾逆膽臣查霍六久爲  
賊踞終屬楚豫兩省之患亟宜乘勝勦除現由

金家鋪一帶移紮英霍交界地方督集團練以  
圖進取聞署廬鳳道金光筋精勁樸誠軍民悅  
服已與函會俟臣抵六齊力夾攻目前楚境下  
游安慶宿太之賊無日不思乘隙竄楚臣以援  
皖之師勦賊於上游力難兼顧猶賴楚防得力  
湖北督撫已於廣黃兩蘄之間扼要防勦知府  
朱啟仁參將趙鴻舉等前經派令助勦張家塆

之賊曾會同楚軍見仗數次嗣因斬境援兵雲  
集先將趙鴻舉盧又熊調回歸營朱啟仁暨李  
宣秦兩營暫留會勦傷臣分攻霍六兵力覺單  
再行調回以備分攻合勦之用所有此次出力  
之知縣袁懷忠等謹先行開列懇請

獎勵其餘出力員弁暨官紳團練容查明請獎

李孟羣又奏言臣思粵逆倡亂數年拒守長江

分擾楚皖澄清非一將之略統兵將領必應集  
思廣益臣留心訪察查有湖北在籍刑部主事  
王柏心學問淹通立品端謹曾隨前撫臣張亮  
基贊畫兵事忠義激發之概時流露於語言文  
字中條陳所見亦皆深切著明可否仰懇

天恩准飭王柏心赴臣軍營幫同料理以收贊畫之助

奏八

上命軍機大臣傳諭李孟羣曰此次逆匪二萬餘人自霍邱犯湖北李孟羣以二千五百人殲擒渠逆並將夥匪勦殺殆盡實能謀勇兼施深堪嘉尚現在賊踞霍六兩城亟宜乘勝勦洗以除楚豫之患該藩司現紮英霍交界地方著卽會同金光筭合力夾攻迅殲醜類前據官文等奏易賊石達開糾賊數萬從安慶彭澤上犯聲言分擾湖北並援江西石逆最爲兇悍

此次上竄之賊是否該逆卽在其中抑係前往江西想李孟羣必有所聞著探明具奏王柏心學問淹通忠義奮發旣據李孟羣保奏著卽由該藩司傳旨令該員到營幫同籌畫用兵機宜

上諭內閣曰安徽霍六援賊二萬餘人分路竄撲經安徽布政使李孟羣沿途督率員弁兵勇勦擊殆盡著乘勝進攻霍六迅圖克復所有尤爲出力之知縣袁



懷忠著免選本班以同知遇缺卽選遊擊張得勝著  
以參將選用守備陳炳南著以都司升用千總劉昆  
宗著以守備升用其餘出力員弁暨官紳團練等並  
著查明分別請獎

十三日癸巳福濟鄭魁士奏言粵匪自韋淠輝殺

死楊秀青後石達開爲之報復突入金陵將韋  
逆殺斃遂爲賊中主謀本年連陷舒六等處並

救援溧水皆石逆之計若該逆授首則餘賊漸  
不足慮茲據探報五月十八日石逆由金陵帶  
其黨與數千道經無爲州前往上游到處張貼  
僞示傳諭各賊察其詞意因洪逆疑忌過甚懼  
害脫逃拏獲賊信內有易王私自出京誓不回  
去之語蓋粵匪中最有謀勇者楊秀青石達開  
二人今楊秀青已死石達開又逃洪逆已成孤

注臣愚以爲趁此機會規取金陵必不至如從前之費手况溧水已復似不難乘勝進攻至石達開兇忍之徒現已挾嫌出走未必遽肯釋憾而歸若探明竄往何處或併力截擒或設計誘降軍務必有益色相應請

旨迅飭官文胡林翼曾國藩等於湖北江西一帶偵探蹤跡如果自成一軍卽須加勁防勤其金陵城

中賊多觀望並請

飭令和春乘虛攻擣以期收復則江面當次第肅清矣

奏八

上命軍機大臣傳諭福興耆齡曰逆首石達開係著名劇賊且聞其善於要結人心此次逃出金陵必欲自成一隊非上竄湖北卽蔓延江西廣濟黃梅等處官文等已厚集官兵堵剿又有李孟羣在英霍交界地

方駐紮屢獲勝仗楚境當可無虞聞江西瑞臨等府  
皆係石逆攻陷現在尙有賊兵踞守則其竄往江西  
乃意中事著福興耆齡探明該逆蹤跡併力截剿乘  
其人心渙散之際設法散其黨與使該逆勢成孤立  
迅就殲擒江西各賊自必聞風瓦解勦辦較易爲力

福濟鄭魁士又奏言據曾國藩咨送船廠委員

黃際昌黃國堯等到廬臣已令採辦木料開廠

試造惟戰船利器必須洋礮皖營無從購辦現  
在賊踞巢湖時有逆船來往自應迅速籌造先  
成一支水軍以爲肅清湖面協勦巢城進扼江  
口之計應請

旨飭下兩江督臣何桂清江蘇撫臣趙德轍速令上海  
道採辦洋礮陸續運用或將常州捐備銅礮先  
行分撥解廬奏入

上命軍機大臣傳諭何桂清趙德轍曰皖省賊匪時於  
巢湖聯艘來往經會國藩咨送船廠委員黃際昌等  
赴廬現已採木開廠試造戰船以備紮立水軍爲肅  
清湖面進扼江口之計惟戰船利器必須洋礮前經  
諭令怡良等籌辦五六百斤及二三百斤洋礮百餘  
尊解皖應用現已購辦若干著何桂清等迅卽籌解  
如一時未能應手常州捐備銅礮尙多或先將局存

之礮撥解廬州應用亦足以資攻勦毋得遲誤

福濟又奏言已革廬州府知府立誠前護廬鳳道任內因案發往新疆該員到廬後辦理行營糧臺不避艱險月餘以來拊循樽節頗得軍心該革員前曾捐貲募勇勦匪巢湖並完繳應賠鳳陽關少收盈餘銀一千兩墊給楚勇口糧合無仰懇



天恩將立誠留於軍營襄辦糧臺緩赴戍所之處出自  
逾格鴻施奏入

上諭內閣曰安徽已革廬州府知府前護廬鳳道立誠  
因案發往新疆效力贖罪茲據該撫奏稱該革員前  
曾捐貲募勇勦捕巢湖賊匪並完繳鳳陽關應賠銀  
兩幫同照料行營糧臺尙爲出力立誠著准其暫緩  
發遣留於安徽軍營幫辦糧臺事務

十五日乙未王懿德奏言查總兵富勒興阿在新

橋一帶地方帶兵紮營堵禦前月賊匪分路圍  
攻我兵接仗挫潰該逆直撲府城當被竄擾富  
勒興阿退至上杭藉詞募勇實屬堵勦不力應  
請

旨將該總兵暫行革職勒令帶罪效力奏入

上諭內閣曰福建署汀州鎮總兵富勒興阿於逆匪竄

陷邵武府城時帶兵在新橋防守不能力遏兇鋒致汀州府城被匪竄擾實屬堵勦不力富勒興阿著暫行革職勒令帶罪效力迅圖克復如再不知愧奮定當從重治罪

王懿德又奏言崇安逆匪現在逃散城池收復代理臬司趙印川由延平順昌進勦以圖恢復邵武臣已飭遊擊畢定邦等遴帶勁旅由建陽

進勦並杏水師提臣鍾寶三統率浙旅取道順  
昌赴邵與趙印川一軍兩路夾攻勦辦較有把  
握

王懿德又奏言遊擊畢定邦統帶漳勇由浦城  
折回建甯府一帶會勦馳抵甌甯縣之回龍地  
方探知逆匪在水吉市瀟掠丁壯畢定邦分路  
進攻逆匪叢擁而來我軍槍礮齊施擊斃百餘

人畢定邦卽率師前進該逆在北小湖地方擁  
眾抗拒我軍分隊迎擊連斃執旗賊目二名賊  
卽回奔畢定邦督勇進勦殺斃賊匪甚多該逆  
由建陽一帶竄逃計兩日共殲斃賊匪四百餘  
人四月二十六日畢定邦舟抵北津登岸出隊  
各鄉團陸續繼至甫抵七星橋一帶該逆斷橋  
拒守畢定邦飭令各鄉團駐紮山腰多張旗幟

該遊擊督率各勇馳抵橋邊施放槍礮逆匪紛  
紛潰逃我軍卽由水淺處渡河詎逆營突出馬  
隊衝撲內有黃衣悍賊數十名勢甚兇猛均被  
畢定邦槍擊悍賊落馬賊衆披靡我軍從後掩  
擊又殺斃賊黨六百餘名畢定邦率勇追勦直  
入逆壘我軍勇氣百倍殲逆無數當將逆營十  
一座焚燬並燒燬逆船六十隻二十七日畢定

邦飭令鄉團由陸路進親率兵勇各船甫抵大洲該逆趕至河邊施放噴筒火箭截拒我軍畢定邦督率師船且戰且進水流舟迅直抵建甯郡臨江門城下該逆大股從後追趕畢定邦躍岸迎擊槍斃賊目六名逆匪欲退我軍奮勇追擊復斃賊七八百人焚燬逆營七座鄉團乘勝助剿被匪圍裹致後隊不能接應畢定邦趕至

救援該逆奔回營壘堅守不出遂同時馳入郡城臣仍督飭該遊擊激勵士卒會合進勦務將被陷各城以次恢復

王懿德又奏言五月十六日遊擊畢定邦等軍抵距建陽縣城之十里地方卽據各鄉民請兵救援當經督兵四路阻殺該逆卽陸續退竄由莒口一帶奔逃各鄉兵會同武弁入城勦捕畢



定邦等分隊由陸路進勦並飭訓導章米爾等  
押隊先行維時千總祝喜銓等亦各帶鄉團前  
來助勦我軍水陸併攻並躡蹤追勦先後斃匪  
不計其數該逆盡棄輜重而奔並據甌甯縣吉  
陽巡檢金茂華稟報會同聯丁克復建陽縣城  
容俟查明出力人員再行辦理奏入均報

十七日丁酉英桂勝保奏言署廬鳳道金光飭在  
正陽關勦賊被創墮水致歿於陣仰懇

天恩俯准

飭部照按察使陣亡例從優議卹以慰忠魂奏入

上諭內閣曰按察使銜記名道廬州府知府金光飭勇  
敢素著屢立戰功茲於署廬鳳道任內攻勦正陽關  
賊匪重傷陣亡實堪憫惻金光飭著照布政使陣亡

例議卹以慰忠魂

二十日

庚子

福濟鄭魁士奏言署廬鳳道金光飭

因攻勦正陽關賊匪力竭捐軀該署道威名素著本年委赴壽州正陽一帶督辦防勦屢立戰功此次以死勤事士民飲泣痛惜殊深應懇

天恩准於壽州地方捐立專祠以光祀典奏入

上諭內閣曰安徽署廬鳳道廬州府知府金光飭在正

陽關勦匪陣亡業經降旨優卹著加恩准其於壽州  
地方捐立專祠以彰忠盡

同日湖廣道監察御史尹耕雲奏言本月十五  
日奉

旨誦爾經額著以四品京堂候補臣查咸豐三年八九  
月間賊由懷慶竄擾平陽誦爾經額嚴防臨洛  
關望風先潰畿輔震驚

天威赫怒立即逮交刑部定以大辟大小臣工莫不  
慄上年出諸獄中

賞給六品頂戴前往

西陵當差比自差回尋復

命以四品京堂候補恐其負釁至深未可再予  
榮寵若復假以事權亦將仍蹈故轍伏願收回  
成命以示大公則天下幸甚奏入

上諭內閣曰前任大學士直隸總督訥爾經額因逆匪北竄堵勦不力革職治罪原以行軍失律法所必懲嗣因北路肅清量從末減茲因

西陵當差回京念伊久膺疆寄曾入綸扉予以四品京堂俾知感愧並非假以事權即使訥爾經額年力未衰尙堪重任朕用一威望頓減之員實難期其振作正與從前棄瑕錄用復任封圻者不可同日而語况

人才黜陟朕心自有權衡尹耕雲所奏著毋庸議

二十一日

辛丑

德興阿翁同書奏言查自上年紅

單師船攻入瓜州大口之後賊遂添設礮臺多處並將巨艦塞斷口門計惟仍用火攻師船乘風直入口內偏壘縱焚陸兵乘間三面圍勦可收攻瑕之效因密飭總兵陳國泰趕備大船二十隻油薪等物悉具適遇東南大風先期定約

水陸並舉五月二十八日東岸總兵鞠殿華等  
帶領馬步隊分路前進約齊乘水師焚放火船  
時卽併力搶渡重濠徑撲賊壘臣德興阿在江  
岸督攻臣翁同書在四里鋪督攻東南風益大  
陳國泰統帶大小師船順流截折東下轉而北  
駛將近大口卽將火船燃著向大口突入焚燒  
登時將其攔門巨艦數隻及雙桅三桅各船並



傍營對峙之礮臺房間化爲灰燼賊中水次積聚一空其時各路馬步兵勇見江邊煙燄蔽空人人鼓銳越過重濠用火彈噴筒大礮攻擊立斃賊目多名並燬瞭墩十餘座進至頭道濠邊上瓜州突出四五百人隔濠施放槍礮我兵對擊又斃賊一百數十名餘俱遁回是日南岸余萬清亦如約環攻鎮城其焦山水師瞭見瓜州

數處火起總兵泊承陞等均各帶船上駛揚帆  
至金山江面將渡江赴援北岸之賊船打回口  
內並用火箭射燒鎮江馬頭望樓數座高資之  
賊亦糾合金山賊衆駕船來救被都司許錦堂  
截擊敗回共計殲斃賊匪不下三百餘名高資  
來船十三隻甫泊口門均被燬盡逆衆大爲奪  
氣臣等查賊壘均靠運河兩岸其四里鋪以南

河道被賊釘樁隔斷而四里鋪距上中瓜州賊營僅有里許巨礮可以擊及議用大船運礮對準轟擊仍以陸軍薄壘偪攻兼飭土橋焦山水軍嚴扼江面或亦擣虛制勝之一法現已派員趕辦容再縷細上陳奏入報

聞

同日何桂清奏言自溧水克復後和春本擬酌

調勝兵北赴句容爲四面合圍之計而該逆一  
萬數千人在相距溧水五六十里之湖墅鎮龍  
都鎮秣陵關三處犄角紮營一以防我溧水官  
兵乘勝直搗金陵一圖回撲溧水並由旁路內  
犯以致此路萬餘兵勇不能酌撤現在和春張  
國樑已派傅振邦統帶兵勇八千名由高陽橋  
進勦虎嵩林統帶兵勇二千四百名分紮溧水

城內外以爲後路接應前總兵李志和統帶兵  
勇一千餘名駐紮洪藍埠以固溧水後路據報  
賊之兇悍者咸集句城及湖墅等處金陵城內  
死黨不過七八千人餘皆脅從老弱白石逆遁  
赴江北後溧水又經克復金陵賊衆本已危懼  
而洪逆性復殘忍大有衆叛親離之勢至鎮江  
逆匪中之裹脅來江願求自拔而不得者經余

萬清設法解散不少雖有可乘之機無如兵力較單未可冒昧從事而我之健將精兵悉盡力於句容湖墅又未便輕議撤動致爲賊所乘必俟克復句容方可移兵東向一鼓而下鎮城其瓜州賊情與鎮相等當溧水將次得手之時鄧紹良亦於五月二十二至二十五等日連次攻勦蕪湖賊匪雖經踏平二壘一時尙難得手現

擬分兵老鴉山接濟吳全美等水師爲水陸並進之計臣仍會商和春張國樑鄧紹良嚴催諸將迅速進攻以冀上慰

宵旰之憂

同日山西道監察御史錢桂森奏言揚營軍務日久無功德興阿懦蒞無能大營駐蔣王廟距瓜州幾三十里不與賊戰者年餘每遇出隊之

期槍礮憑虛轟擊影嚮附會遠以勝報侍衛  
秀性情乖謬遇事把持尤爲軍中之蠹已革道  
員溫紹原拊循士卒素得民心總兵銜副將毛  
三元勇敢有爲戰功厯著可否請

旨將德興阿撤回責成毛三元以破賊之任開復溫紹  
原革職之罪使之勦力同心攻勦瓜州逆匪庶  
可收指臂之功而免因循之患總兵張國樑謀



勇兼全勳勤懋著儻

宸衷獨斷俯順輿情

畀以統帥之權使之總理江蘇全省軍務則蕩平之效  
當在指顧均奏入

上命軍機大臣傳諭和春何桂清曰溧水克復該逆尙  
在湖墅鎮龍都鎮秣陵關三處紮營阻我軍進攻之  
路必須旬容克復方能分兵直擣金陵而該逆內訌

自相殘害機會似不可失因思徽甯一帶現在情形  
稍鬆鄧紹良一軍若能乘虛攻搗金陵則並可牽制  
句容賊勢似屬一舉兩得惟該提督既須嚴防逆匪  
內竄之路兵力是否足資分撥著和春與何桂清妥  
爲籌畫如有出奇制勝埽穴擒渠之計卽行會商布  
置毋失事機御史錢桂森奏德興阿懦蕙無能久未  
與賊打仗奏報獲勝情形諸多不實侍衛蘊秀性情

乖謬遇事把持等語又聞德興阿近日患病行動維艱是否確實著和春何桂清密加察訪據實具奏

何桂清又奏言查咸豐二年賊竄江南儀徵江浦屢經失陷而六合介儀徵江浦之間時已革道員溫紹原署理該縣於聞警之初卽倡募水陸各勇激勵紳團並派間諜確探賊情豫爲之備故能將撲城賊衆一鼓殲滅後雖數犯疆圉

均能出奇制勝且以其餘力上拯江浦下救儀  
徵北援來安江北大營得免西顧之憂而自來  
安至廬州尙有一綫餉道可通者亦惟溫紹原  
是賴今臣欽奉

恩命權任兩江責重事艱當以用人爲急務查通省才  
足匡時如溫紹原者實不多見該員因公獲咎  
情有可原且溫紹原雖奉督辦六合江浦團練

之

命究係無職人員深慮民情解體仰懇

天恩俯准將溫紹原開復原官仍以江蘇道員補用以

爲維繫衆心之計奏入

上諭內閣曰江蘇已革道員溫紹原前在六合縣任內  
激勵紳民辦理團練屢次擊退悍賊保障孤城頗資  
得力嗣因干預保舉經德興阿奏參革職朕念其數

年以來保衛江北爲地方出色之員業經諭令德興阿等責其會同官兵攻復江浦以贖前愆茲據何桂清奏稱該革員雖已奉旨督辦團練究係無職人員深恐呼應不靈溫紹原著先行開復知府仍俟克復江浦後再行奏請獎勵

同日

上命軍機大臣傳諭德興阿和春官文胡林翼邵燦庚

長福濟英桂勝保曰吉林黑龍江馬隊官兵先後調往各路軍營助剿除經統兵大臣及各省督撫奏明撤回歸伍外計現在江北江南湖北及徐宿皖豫等處留營備剿者吉林兵尙有六千餘名黑龍江兵尙有二千餘名該兵丁等與南方水土本不相習出征日久不免疲勞患病且南省又多水田港汊馬隊難於施展之處亟應分別撤回以休兵力而收實用著

德興阿和春官文胡林翼邵燦庚長福濟英桂勝保  
等各就該處軍營查明吉林兵若干名黑龍江兵若  
干名酌量可撤者先行撤回歸伍其地方既屬相宜  
兵力亦無疲乏現資攻勦必不可少者仍著留營調  
遣俟該營兵力足敷再行分起奏撤

二十三日

癸卯

王懿德奏言逆匪竄踞光澤縣城

於五月十四日各鄉聯甲壯丁糾集萬餘攻入



殺斃逆匪無數餘匪竄逸當卽收復城池道員  
王肇謙督催各將弁迅速進兵由大幹一帶沿  
途勦洗直抵邵武以期一鼓蕩平汀郡失陷後  
逆匪四出搶擄該縣龐立忠招集各路土兵分  
投攻勦先後斃賊九百餘名紳士丁捷芳督率  
壯丁助勦殲賊七百餘名該逆因各路土兵愈  
衆愈多遂於四月初四日竄往上杭一帶龐立

忠帶同壯丁追殺一百餘名城池當卽收復汀  
州府知府延英於汀郡失守時被賊戕害署汀  
軍同知朱式璟投河殉難又連城之賊由青巖  
里小路直撲縣城該縣延棟會同將弁紳士督  
率壯勇登陴守禦逆匪四面圍攻我軍奮力抵  
敵轟斃賊匪二十餘人惟時西門勇力較單被  
逆乘機闖入適各鄉壯勇前來助勦我軍聲威

頓壯內外夾攻擊斃逆匪數百人餘匪四散奔  
逃把總鍾得陞等分路追勦又殺斃逆匪二百  
餘人該逆匪經我兵疊次痛勦賊膽已寒現在  
該逆大股屬聚甯化泰甯邵武一帶而邵武爲  
中權要郡必須先行政攻克再將泰甯等縣以次  
恢復庶可淨殲醜類仰副

聖主綏靖巖疆之意奏入

上諭內閣曰江西逆匪竄踞福建光澤縣城經各鄉壯  
丁糾集萬餘人攻入城內殺斃逆匪無數當將城池  
克復其汀州府城被匪攻陷後知縣龐立忠招集土  
兵勦殺該逆竄往上杭遂卽克復府城連城縣被匪  
闖入經各鄉壯勇助勦餘匪四散民心效順軍威大  
振著王懿德督飭各路文武官紳兵勇將邵武府城  
並泰甯等縣以次攻克盡殲醜類此次出力官紳兵

勇著該督分別奏請獎勵殉難各員著卽詳查請卹

二十五日

乙巳

晏端書奏言池州荻港之賊聚踞

青陽併成大股竄至陵陽鎮分三路來撲崇覺寺軍營周天受督勇接戰轟斃甚衆賊勢漸退我軍出隊追擊並調七都隊伍沿途抄截擒斬甚多五月二十日賊在陵陽鎮紮壘設伏賊於巢後分路衝突我軍分投攻勦當將逆匪擊退

惟賊巢離崇覺寺不及十里二十五日又分撲崇覺寺各營我軍始則憑營與戰繼則出隊迎擊斃賊極多而徽州嶺內股匪已竄出羊棧嶺周天受先將七都各營移紮夏村並咨鄧紹良派捷勇五百名前來助勦遂帶隊馳至夏村賊已渡河接戰於烏石隴殺其賊首十餘名逆黨愈來愈多周天受分隊直撲河岸被溺之賊以

數百計我軍從後山繞上山梁奮勇掩殺賊遂  
大敗該逆復招集餘黨來撲夏村營盤周天受  
密派隊伍潛往陵陽鎮縱火賊大驚潰立將賊  
巢焚燒淨盡夏村官兵亦於是夜繞出烏石隴  
火器齊施賊衆奪路而逃我軍追截殲斃甚多  
所有烏石隴陵陽鎮兩路逆氛均經掃蕩肅清  
浮梁景德鎮之賊大股復竄婺源清華街經參

將王夢麟等擊退該逆復從婺源東北鄉僻徑  
竄襲回嶺我兵寡不敵衆蘇式敬趕至陳村會  
合千總趙廷貴併力截殺血戰兩時斃賊多名  
賊勢稍卻惟以孤軍深入且江長貴駐紮上溪  
各隊一時又徵調不及自陳村至徽郡路僅百  
里情形萬緊張芾飛調駐防華橋之都司羅承  
勳等馳回休甯縣城駐防浙嶺之程永年等赴



屯溪扼守以固郡城一面檄飭千總榮陞由筠  
嶺入援並令同知王桐添派勇丁增修營壘豫  
備迎勦江長貴馳至休甯督飭王夢麟等分紮  
古城巖等處歙縣知縣皇甫漢仕督團助勦該  
逆知我軍有備不敢進犯退竄黟縣之四五都  
該處距羊棧嶺不遠張芾江長貴派兵前往堵  
截遏其進竄之路並馳出湯嶺以固崇覺寺後

路一面派隊親督進勦該逆分股回撲我軍併力迎擊賊無算匪衆敗潰各隊乘勝追殺縣丞黃伯垣等分路截擊黟縣民團亦有起而殺賊者我軍追至十都嶺下該逆合併前股在山梁犄角死拒江長貴督隊從中路進擊千總馬朝選等左右攻撲轉戰四時擒斬不少該逆由廬村竄出羊棧嶺詎浮梁另股賊匪續由黃竹

嶺竄入休甯之三十三都張芾飛飭王夢麟赴江潭進剿江長貴親至漁亭督攻該逆已由汪村竄至流口王恩榮整隊而進逆衆飛奔渡河我軍涉水跟追該逆退而復至江長貴復密派勁旅分兩路同時進擊該逆猝不及防自相殘殺及傾跌淹斃者不計其數我軍乘勝攻出平鼻嶺現在婺源境內尙有賊蹤時虞內竄仍飭

實力防剿

晏端書又奏言賊匪仍聚蕪湖逆卡八座存賊  
三千餘人經鄧紹良札飭遊擊吳再升等吞會  
吳全美親督水師四次進兵毀去小河南賊卡  
兩座茶園菴賊卡一座擊沈賊船二十餘隻斃  
匪一百餘名至婺源接壤浮梁樂平賊蹤竄突  
靡常設竟聽其空虛棄爲賊踞則徽衢兩防不

堪設想茲幸建甯解圍崇安建陽均經克復閩  
省軍情較緩除仍令江長元卓大林兩軍照舊  
屯紮兼顧浙東溫處各郡外其浦城西南鄉一  
帶民團數萬人齊心出力所有楚勇六百名新  
舊良勇九百名卽飭畢大鈺等管帶剋日馳赴  
婺源並吞總兵饒廷選等將彪勇挑選六百名  
復於常開各防抽撥勁旅五百名並駐防廣豐

之浙兵四百名交遊擊楊國正統帶一併飭赴  
婺源會同畢大鈺等相度地勢擇要駐守均歸  
饒廷選調度臣復咨張芾於徽防酌撥兵勇一  
千名進紮清華街以遏竄徽要路仍與派駐婺  
源兵勇聯爲一氣設有警報彼此互爲策應庶  
徽衢兩防可期穩固奏入均報